

Itilleq, 4. februar 2015

Inatsisartut suleriaasianni § 37 imm. 1 naapertorlugu matumuuna Naalakkersuisunut apeqqutit imaattut saqqummiuppakka:

Naalakkersuisunut apeqqutit:

- 1. Nunaqarfinni isorliunerusunilu innaallagissap, erngup kiassarnerullu akiisa appartinneqarnissaat qaqugu piniarpa?**
- 2. Akit qanoq annertutigisumik appartinneqassappat?**
- 3. Aningaasat appaanermut atugassat suminngaaniit tiguneqassappat?**
- 4. Landskarsi toqqaannartumik akikillisaanermut appaanermi akiliissava?**
- 5. Illoqarfinni atuisut akikinnerusumik akilersuisut akiliutaasa qaffannerisigut nunaqarfinni isorliunerusunilu akikinnerulersitsineq matuneqassava?**

(Inatsisartunut Ilaasortaq Hans Enoksen, Partii Naleraq)

Tungavilersuut:

Naalakkersuisooqatigiit isumaqatigiissutaat naapertorlugu ima allaqqasoqarpoq,

Issuaaneq aallartippoq:

“Innaallagissamut, imermut kiassarnermullu akigitinneqartut nammaqatigiinneq naapertorlugu naleqqussaavigineqarnissaat Naalakkersuisooqatigiit suliarissavaat. Taamaaliornikkut Nunatsinni ilaqtariinnut aningaasaqarniarnikkut tamatumani atugarisat naligiinnerulersinneqaqullugit.”

Issuaaneq naavoq.

Innaallagissamut imermut kiassarnermullu akigitinneqartut appartinneqarnissaat Naalakkersuisooqatigiit isumaqatigiissutaanni takusinnaavarput, taamaammatt Partii Naleqqamiit paaserusupparput appaanissaq qaqugu pissanersoq.